

全上古三代秦漢三國六朝文

全漢文目錄

高帝

惠帝

文帝

景帝

已上卷

武帝

卷三至卷四

昭帝

宣帝

已上卷五至卷六

元帝

卷七

成帝

卷八

哀帝

卷九

高呂后

程姬

昭上官后

公孫婕妤

元王后

傅昭儀

成許后

班婕妤

成趙后

趙昭儀

已上卷十至卷十一

吳王濞

齊王襄

淮南王安

趙王彭祖

膠西王端

中山王勝

劉長

燕王旦

昌邑王賀

淮陽王欽

楚王延壽

梁王立已上卷十二

義帝

項王

劉舍

陳餘

宋義

宋昌

孔鮒

孔臧

孔安國

孔衍

孔光已上卷十三

韓信

蕭何

張良

陳平

周勃

酈食其

婁敬

張蒼

韓王信

韓積當

季布

陳武

一作柴武

申屠嘉

陶青

蒯昭

張武

賈山

已上卷十四

賈誼

賈捐之

公孫臣

新垣平

已上卷十五至卷十六

淳于意

卷十七

鼂錯

廷尉信

已上卷十八

嚴青翟

嚴忌

嚴助

韓安國

羊勝

公孫詭

公孫乘

鄒陽

已上卷十九

枚乘

淮南小山

路喬如

鄒長倩

已上卷二十

司馬相如

翟公

張湯

繒它

楊貴 已上卷二十一至卷二十二

董仲舒

田蚡

鄭當時

王恢

公孫弘

石慶 已上卷二十三至卷二十四

東方朔

卷二十五

唐蒙

張騫

許哀

司馬談

司馬遷

摯峻

徐樂 已上卷二十六

嚴安

終軍

吾丘壽王

主父偃

路博德

霍去病

霍光

莊芷

一作嚴正

謬忌

莊熊罷

已上卷二十七

卜式

兒寬

齊人延年

蘇武

常惠

李陵

李廣利

胡建

桑弘羊

孔僅

番係

田仁

已上卷二十八

趙充國

丙吉

魏相

蔡義

令狐茂

車千秋

黃霸

士伍尊

已上卷二十九

張敞

張竦

田延年

已上卷三十

杜延年

杜欽

杜業

已上卷三十一

楊敞

楊惲

眭弘

路溫舒

大鴻臚禹

張壽王

丞相屬竇

王吉

王駿

于定國

冀州刺史林

龔遂

嚴延年

已上卷三十二

蕭望之

蕭育

金安上

揚州刺史柯

豫章太守廖

鄭吉

辛武賢

辛慶忌

韋玄成

侍郎章

戴長樂

王生

蓋寬饒

鄭昌

薛廣德

蘇延壽

孫會宗

歐陽地餘

徐福已上卷三十三

貢禹

匡衡已上卷三十四

劉向

卷三十五至卷三十九

劉歆

卷四十至卷四十一

王褒

嚴遵

已上卷四十二

王尊

耿壽昌

王商

史丹

王章

王禁

王鳳

王立

王仁

王閔

王音

許嘉

甘延壽

陳湯

張博已上卷四十三

翼奉

京房已上卷四十四

楊興

韓宣

谷吉

谷永

韓昌 張猛

董宏

尹忠

尹更始

張忠已上卷四十五至卷四十六

何武

華陰守丞嘉

朱雲

侯應

薛宣

諸葛豐

朱博已上卷四十七

王嘉

師丹

孫寶

陳咸

字子康

鄧朋

胡常

平當

已上卷四十八

翟方進

翟義

范延壽

公乘興

張匡

馮遂

孫禁

許商

趙增壽

涓勳

劉輔

杜鄴

已上卷四十九

母將隆

馬宮

鮑宣

梅福

郭舜

尹賞

申咸

龔勝

已上卷五十

揚雄 卷五十一至卷五十四

李尋

梁太傅輔

彭宣

鄭崇

譙玄

何並

閻崇

方賞

陳咸

先有陳咸字子康在卷四十八此陳咸同姓名

鄭子真 已上卷五十五

解光

郭欽

御史中丞眾

息夫躬

冷褒 段猶

夏賀良

賈讓

耿育

楊宣

議郎龔

永信少府猛

班嗣

伶玄 已上卷五十六

宦官

弘恭

列女

信于緹縈

大乳母

卓文君

烏孫公主解憂

馮嬖

敬武長公主

關名

誓上書

奏議

對問

舉狀

書

銘

祝文

葬銘

上卷五十七

僞新

王莽

王舜

王邑

王諫

王臨

王宗

已上卷五十八至卷六十

劉立

劉修

劉慶

劉京

公孫祿

孫建

滿昌

唐林

甄邯

陳崇

大司馬護軍綏

平憲

謝囂

劉咸

張永

崔篆

嚴尤

哀章

但欽

陳欽

區博已上卷六十一

關竝

張戎

韓牧

王橫

魯匡

馮英

韓博

田況

費興

甄阜

王況

新莽臣闕名

奏議祝符命已上卷六十二

外國

南越王趙佗

趙胡

呂嘉

東越王餘善

匈奴冒頓單于

軍臣單于

狐鹿姑單于

呼韓邪單于

郅支單于

烏珠留單于

鄯善王尉屠耆

烏孫王昆彌

龜茲王絳賓

僊道

脩羊公

鬼神

天皇大神

西王母

孝武帝

段孝直 已上卷六十三

大凡全漢文三百三十四人

大凡全漢文六十三卷

全漢文卷一

烏程嚴可均校輯

高帝

帝姓劉氏諱邦字季沛豐邑中陽里人初爲泗上亭長秦二世元年起兵稱沛公明年楚懷王已爲碭郡長封武安侯已子嬰元年西入關項羽立爲漢王都南鄭已漢五年破項羽卽皇帝位都長安在位十二年諡曰高皇帝廟號太祖亦曰高祖有傳十三篇

漢志在儒家本注曰高祖與大臣述古語及詔策也

重祠詔

二年

吾甚重祠而敬祭今上帝之祭及山川諸神當祠者各已其時禮祠之如故

漢書郊祀志上

立吳芮爲長沙王詔

五年二月

故衡山王吳芮與子二人兄子一人從百粵之兵已佐諸侯誅暴

秦有大功諸侯立曰爲王項羽侵奪之地謂之番君其曰長沙豫章象郡桂林南海立番君內爲長沙王

漢書高紀下

制詔御史長沙王忠其定著令

漢書吳芮傳

以亡諸爲閩粵王詔

五年二月

故粵王亡諸世奉粵祀秦侵奪其地使其社稷不得血食諸侯伐

秦亡諸身帥閩中兵曰佐滅秦項羽廢而弗立今曰爲閩粵王王

閩中地勿使失職

漢書高紀下

罷兵賜復詔

五年五月

諸侯子在關中者復之十二歲其歸者半之民前或相聚保山澤不書名數天下已定令各歸其縣復故爵田宅吏曰文法教訓辨告勿笞辱民以飢饉自賣爲人奴婢者皆免爲庶人軍吏卒會赦其亡罪而亡爵及不滿大夫者皆賜爵爲大夫故大夫曰上賜爵各一級其七大夫曰上皆令食邑非七大夫曰下皆復其身及戶

勿事漢書高紀下

七大夫公乘曰上皆高爵也諸侯子及從軍歸者甚多高爵吾數詔吏先與田宅及所當求於吏者亟與爵或人君上所尊禮久立吏前曾不爲決甚亡謂也異日秦民爵公大夫曰上令丞與亢禮今吾於爵非輕也吏獨安取此且法曰有功勞行田宅今小吏未嘗從軍者多滿而有功者顧不得背公立私守尉長吏教訓甚不善其令諸吏善遇高爵稱吾意且廉問有不如吾詔者曰重論之

同上

詔衛尉酈商五年五月

齊王田橫卽至人馬從者敢搖動者致族夷

史記田儵傳漢書田儵傳

赦詔六年十二月

天下旣安豪傑有功者封侯新立未能盡圖其功身居軍九年或未習法令或曰其故犯法大者死刑吾甚憐之其赦天下漢書高紀下

擇立齊王荊王詔

六年十二月

齊古之建國也今爲郡縣其復曰爲諸侯將軍劉賈數有大功及

擇寬惠修絜者王齊荊地

漢書高紀下又見荊王劉賈傳

上太公尊號詔

六年五月

人之至親莫親於父子故父有天下傳歸於子子有天下尊歸於父此人道之極也前日天下大亂兵革竝起萬民苦殃朕親被堅執銳自帥士卒犯危難平暴亂立諸侯偃兵息民天下大安此皆太公之教訓也諸王通侯將軍羣卿大夫已尊朕爲皇帝而太公未有號今上尊太公曰太上皇

漢書高紀下

疑獄詔

七年

制詔御史獄之疑者吏或不敢決有罪者久而不論無罪者久繫不決自今已來縣道官獄疑者各讞所屬二千石官二千石官已其罪名當報之所不能決者皆移廷尉廷尉亦當報之廷尉所不

能決謹具爲奏傅所當比律令曰問

漢書刑法志

立靈星祠詔

八年

制詔御史其令郡國縣立靈星祠常曰歲時祠曰牛

史記封禪書漢書郊祀志

捕趙王張敖詔

八年

趙有敢隨王者舉三族

史記田叔傳

擇立代王詔

十一年正月

代地居常山之北與夷狄邊趙乃從山南有之遠數有胡寇難已爲國頗取山南太原之地益屬代代之雲中曰西爲雲中郡則代受邊寇益少矣王相國通侯吏二千石擇可立爲代王者

漢書高紀下

定口賦詔

十一年二月

欲省賦甚今獻未有程吏或多賦曰爲獻而諸侯王尤多民疾之令諸侯王通侯常曰十月朝獻及郡各曰其口數率人歲六十三

錢曰給獻費

漢書高紀下

求賢詔

十一年二月

蓋聞王者莫高于周文、伯者莫高于齊桓、皆待賢人而成名。今天下賢者智能、豈特古之人乎？患在人主不交故也。士奚由進？今吾已天之靈、賢士大夫定有天下、已爲一家、欲其長久、世世奉宗廟、亡絕也。賢人已與我共平之矣、而不與吾共安利之、可乎？賢士大夫有肯從我游者、吾能尊顯之、布告天下、使明知朕意。御史大夫昌下相國、相國、鄼侯下諸侯、王御史中執法、下郡守、其有意稱明德者、必身勸、爲之駕、遣詣相國府、署行義年、有而弗言、覺免。年老癯病勿遣。

漢書高紀下

擇立梁王淮陽王詔

十一年三月

擇可已爲梁王淮陽王者

漢書高紀下

立趙它爲南粵王詔

十一年五月

粵人之俗好相攻擊前時秦徙中縣之民南方三郡使與百粵雜處會天下誅秦南海尉它居南方長治之甚有文理中縣人已故不耗滅粵人相攻擊之俗益止俱賴其力今立它爲南粵王

漢書高紀

擇立吳王詔

十二年十月

吳古之建國也日者荆王兼有其地今死亡後朕欲復立吳王其議可者

漢書高紀下

置秦皇楚王陳勝等守冢詔

十二年十二月

秦皇帝楚隱王魏安釐王齊愍王趙悼襄王皆絕亡後其與秦始皇帝守冢二十家楚魏齊各十家趙及魏公子亡忌各五家令視其冢復亡與它事

漢書高紀下

議立燕王詔

十二年二月

燕王綰與吾有故愛之如子聞與陳稀有謀吾已爲亡有故使人

迎綰、綰稱疾不來，謀反明矣。燕吏民非有罪也，賜其吏六百石，曰：「上爵各一級，與綰居去來歸者赦之。」加爵亦一級。詔諸侯王議可。

立爲燕王者，

漢書高紀下

立南武侯織爲南海王，詔

十二年二月

南武侯織亦粵之世也，立曰爲南海王。

漢書高紀下

布告天下，詔

十二年三月

吾立爲天子，帝有天下，十二年于今矣。與天下之豪士賢大夫共定天下，同安輯之。其有功者，上致之王，次爲列侯，下乃食邑，而重臣之親，或爲列侯，皆令自置吏，得賦斂。女子公主爲列侯，食邑者皆佩之印，賜大第室，更二千石，徙之長安，受小第室，入蜀漢。定三秦者，皆世世復。吾于天下賢士功臣，可謂亡負矣。其有不義背天子，擅起兵者，與天下共伐誅之。布告天下，使明知朕意。

漢書高紀下

手敕太子

吾遭亂世當秦禁學自喜謂讀書無益洎踐祚已來時方省書乃使人知作者之意追思昔所行多不是古文苑

堯舜不以天子與子而與他人此非爲不惜天下但子不中立耳人有好牛馬尚惜況天下耶吾以爾是元子早有立意羣臣咸稱汝友四結吾所不能致而爲汝來爲可任大事也今定汝爲嗣上同吾生不學書但讀書問字而遂知耳以此故不大工然亦足自辭解今視汝書猶不如吾汝可勤學習每上疏宜自書勿使人也上同汝見蕭曹張陳諸公侯吾同時人倍年于汝者皆拜并語于汝諸弟上同

吾得疾遂困以如意母子相累其餘諸兒皆自足立哀此兒猶小也上同

賜韓王信書

六年九月

專死不勇專生不任寇攻馬邑君王力不足已堅守乎安危存亡

之地此二者朕所已責於君王

漢書韓王信傳上賜信書責讓之

書帛射城上與沛父老

秦二世元年九月

天下同苦秦久矣今父老雖爲沛令守諸侯竝起今屠沛沛今共

誅令擇可立立之已應諸侯卽室家完不然父子俱屠無爲也

高紀上

入關告諭

漢元年十一月

父老苦秦苛法久矣誹謗者族耦語者棄市吾與諸侯約先入關

者王之吾當王關中與父老約法三章耳殺人者死傷人及盜抵

罪餘悉除去秦法吏民皆安堵如故凡吾所已來爲父兄除害非

有所侵暴毋恐且吾所已軍霸上待諸侯至而定要東耳

漢書高紀上

發使告諸侯

二年三月

天下共立義帝北面事之今項羽放殺義帝江南大逆無道寡人

親爲發喪兵皆編素悉發關中兵收三河士南浮江漢曰下願從

諸侯王擊楚之殺義帝者

漢書高紀上

數項羽十罪

四年十月

吾始與羽俱受命懷王曰先定關中者王之羽負約王我于蜀漢
罪一也羽矯殺卿子冠軍自尊罪二也羽當曰救趙還報而擅劫
諸侯兵入關罪三也懷王約入秦無暴掠羽燒秦宮室掘始皇帝
冢收私其財罪四也又彊殺秦降王子嬰罪五也詐阬秦子弟新
安二十萬王其將罪六也皆王諸將善地而徙逐故主令臣下爭
叛逆罪七也出逐義帝彭城自都之奪韓王地并王梁楚多自與
罪八也使入陰殺義帝江南罪九也夫爲人臣而殺其已降爲政
不平主約不信天下所不容大逆無道罪十也吾曰義兵從諸侯
誅殘賊使刑餘罪人擊公何苦乃與公挑戰

漢書高紀上

下令恤軍士死者

四年七月

軍士不幸死者吏爲衣衾棺斂轉送其家

漢書高紀上

下令立韓信爲楚王彭越爲梁王

五年正月

楚地已定義帝亡後欲存卹楚眾已定其主齊王信習楚風俗更立爲楚王王淮北都下邳魏相國建成侯彭越勤勞魏民卑下士卒常曰少擊眾數破楚軍其已魏故地王之號曰梁王都定陶

高紀

下令赦天下

五年正月

兵不得休八年萬民與苦甚今天下事畢其赦天下殊死已下

高紀

復吏卒限制衣冠令

八年三月

吏卒從軍至平城及守城邑者皆復終身勿事爵非公乘已上毋得冠劉氏冠賈人毋得衣錦繡綺縠絺紵屬操兵乘騎馬

漢書高紀下

夷三族令

當三族者皆先黥劓斬左右止笞殺之梟其首洎其骨肉于市其

誹謗詈詛者又先斷舌漢書刑法志漢興約法三章然其大辟尚有三族之令故謂之具五刑彭越韓信受此誅

答諸侯王韓信等上尊號五年二月

寡人聞帝者賢者有也虛言無實之名非所取也今諸侯王皆推高寡人將何以處之哉漢書高紀下

諸侯王幸以爲便于天下之民則可矣同上

封爵誓六年十二月

使黃河如帶泰山若厲國呂永存爰及苗裔漢書高惠高后文功臣表又三國志關羽傳引作如礪餘皆同

丹書鐵券

使黃河如帶泰山如礪漢有宗廟爾無絕世太平御覽五百九十八又六百三十三國

學紀開十二引陸賈楚漢春秋高帝初封侯者皆賜丹書鐵券曰

又與羣臣刑白馬而盟

非劉氏不王若有亡功非上所置而侯者天下共誅之

非劉氏而王者天下共擊之漢書王陵傳高皇帝刑白馬而盟云云又見史記呂后紀無者字又見漢書外

傳非劉氏不得王非有功不得侯不如約天下共擊之漢書周勃傳案書抄八

十一引漢書云黃河如帶泰山如礪其固永

存爰及苗裔申以丹書之信頃以白馬之盟

所述書天子所服第八案此即藝文志儒家所載高祖傳十三篇之一也

大謁者臣章受詔長樂宮曰令羣臣議天子所服曰安治天下相

國臣何御史大夫臣昌謹與將軍臣陵太子太傅臣通等議春夏

秋冬天子所服當法天地之數中得人和故自天子王侯有土之

君下及兆民能法天地順四時已治國家身亡禍殃年壽永究是

奉宗廟安天下之大禮也臣請法之中謁者趙堯舉春李舜舉夏

兒湯舉秋貢禹舉冬師古曰高帝時自有一貢禹也四人各職一時大謁者襄章

奏制曰可漢書魏相傳相表奏引高皇帝所述書天子所服第八

惠帝

帝諱盈高帝子漢二年立爲太子十二年五月卽位在位五年
諡曰孝惠皇帝

重吏祿詔高帝十二年

吏所已治民也能盡其治則民賴之故重其祿所已爲民也令吏
六百石已上父母妻子與同居及故吏嘗佩將軍都尉印將兵及
佩二千石官印者家唯給軍賦他無有所與漢書惠紀

文帝

帝諱恆高帝中子漢十一年封代王呂后八年迎立
在位二十三年諡曰孝文皇帝廟號太宗

徙淮南王長制六年

朕不忍致法于王其與列侯吏二千石議史記淮南王傳
漢書淮南王傳
朕不忍致法于王其赦長死罪廢勿王上同

計食長給肉日五斤酒二斗令故美人才人得幸者十八從居他

可同上

增神祠制十三年

朕即位十三年于今賴宗廟之靈社稷之福方內艾安民人靡疾
聞者比歲登朕之不德何已饗此皆上帝諸神之賜也蓋聞古者
饗其德必報其功欲有增諸神祠有司議增雍五時路車各一乘
駕被具西時畦時禺車各一乘禺馬四匹駕被具其河湫漢水加
王各二及諸祠各增廣壇場珪幣俎豆以差加之而祝釐者歸福
於朕百姓不與焉自今祝致敬毋有所祈史記封禪書又漢書文紀有詔與此小同

即位赦詔呂后八年

制詔丞相太尉御史大夫聞者諸呂用事擅權謀為大逆欲危劉
氏宗廟賴將軍列侯宗室大臣誅之皆伏其辜朕初即位其赦天
下賜民爵一級女子百戶牛酒酺五日漢書文紀

封賜周勃等詔 元年十月

呂產自置爲相國，呂祿爲上將軍，擅矯遺灌將軍嬰將兵擊齊，欲代劉氏，嬰留滎陽弗擊，與諸侯合謀，曰：誅呂氏，呂產欲爲不善，丞相陳平與太尉周勃謀奪呂產等軍，朱虛侯劉章首先捕呂產等，太尉身率襄平侯通持節承詔入北軍，典客劉揭身奪趙王呂祿印，益封太尉勃萬戶，賜金五千斤，丞相陳平、灌將軍嬰、邑各二千戶，金二千斤，朱虛侯劉章、襄平侯通、東牟侯劉興居、邑各二千戶，金千斤，封典客揭爲陽信侯，賜金千斤。

史記文紀又見漢書文紀首有前字

答有司請建太子詔 元年正月

朕既不德，上帝神明，未歆饗也。天下人民，未有慝史記志今縱不能博求天下賢聖有德之人而嬪天下焉，而曰豫建太子，是重吾不德也，謂天下何其安之。
漢書文紀

楚王季父也，春秋高，閱天下之義理多矣，明於國家之大體，吳王

於朕兄也。惠仁曰：好德淮南王弟也。秉德曰：陪朕豈爲不豫哉？諸侯王宗室昆弟有功臣多賢及有德義者，若舉有德曰陪朕之不能，終是社稷之靈，天下之福也。今不選舉焉，而曰必子人，其已朕爲忘賢有德者而專于子，非所已憂天下也。朕甚不取也。史記文紀漢書

無惠仁句，乘上有皆字。

振貸詔

元年三月

方春和時，草木羣生之物，皆有已自樂，而吾百姓鰥寡孤獨窮困之人，或阡于死亡，而莫之省憂，爲民父母，將何如其議所已振貸之。漢書文紀

養老詔

元年三月

老耆非帛不暖，非肉不飽。今歲首不時，使人存問長老，又無布帛酒肉之賜，將何已？佐天下子孫孝養其親。今聞吏稟當受鬻者，或已陳粟，豈稱養老之意哉？具爲令。漢書文紀

脩代來功詔

九年六月

方大臣誅諸呂迎朕朕狐疑皆止朕唯中尉宋昌勸朕朕已得保宗廟已尊昌爲衛將軍其封昌爲壯武侯諸從朕六人官皆至九

卿

漢書文紀

益封高帝從臣詔

列侯從高帝入蜀漢者六十八人益戶各三百戶吏二千石已上從高帝潁川守尊等十人食邑六百戶淮陽守申屠嘉等十人五百戶衛尉足史記作定等十人四百戶封淮南王舅趙兼爲周陽侯齊王舅駟鈞爲靖郭侯

漢書文紀

令列侯之國詔

二年十月

朕聞古者諸侯建國千餘各守其地已時入貢民不勞苦上下驩欣靡有違德今列侯多居長安邑遠吏卒給輸費苦而列侯亦無繇教訓其民其令列侯之國爲吏及詔所止者遣太子

漢書文紀

日食求言詔

二年十一月

朕聞之、天生民、爲之置君、曰養治之人、主不德、布政不均、則天示之災、曰戒不治、乃十一月晦、日有食之、適見于天、災孰大焉、朕獲保宗廟、曰微眇之身、託于士民君王之上、天下治亂、在予一人、唯二三執政、猶吾股肱也、朕下不能治育羣生、上曰累三光之明、其不德大矣、令至其悉朕之過失、及知見之所不及、句曰啟告朕、及舉賢良方、正能直言極諫者、曰匡朕之不逮、因各敕曰、職任、務省繇費、曰便民、朕既不能遠德、故憫然念外人之有非、是曰設備、未息、今縱不能罷邊屯戍、又飭兵厚衛、其罷衛將軍軍、太僕見馬遺財足、餘皆曰給傳置、

漢書文紀

開藉田詔

二年正月

夫農、天下之本也、其開藉田、朕親率耕、曰給宗廟粢盛、民謫作縣官及貸種食、未入人未備者、皆赦之、

漢書文紀

王辟彊等詔二年三月

前趙幽王幽死朕甚憐之已立其太子遂爲趙王遂弟辟彊及齊

悼惠王子朱虛侯章東牟侯興居有功可王

漢書文紀

除誹謗詆訐法詔二年五月

古之治天下朝有進善之旌誹謗之木所曰通治道而來諫者也
今法有誹謗詆訐之罪是使眾臣不敢盡情而上無由聞過失也
將何已來遠方之賢良其除之民或祝祖上曰相約而後相設吏
曰爲大逆其有他言吏又曰爲誹謗此細民之愚無知抵死朕甚
不取自今已來有犯此者勿聽治

漢書文紀

議除連坐詔二年

詔丞相太尉御史法者治之正所曰禁暴而衛善人也今犯法者

已論而使無罪之父母妻子同產坐之及收朕甚弗取其議

漢書刑法

志紀作元年少首句

朕聞之法正則民慤罪當則民從且夫牧民而道之曰善者吏也既不能道又已不正之法罪之是法反害于民爲暴者也朕未見其便宜孰計之

同上周勃陳平奏曰爲如其故便文帝復曰

勸農詔 二年九月

農天下之大本也民所恃以生也而民或不務本而事末故生不遂朕憂其然故今茲親率羣臣農以勸之其賜天下民今年田租之半

漢書文紀

卻獻千里馬詔

鸞旗在前屬車在後吉行日五十里師行三十里朕乘千里之馬獨先安之朕不受獻也其令四方毋求來獻

漢書賈捐之傳時有獻千里馬者詔云云

朕不受獻也其令四方毋求來獻

同上

遣灌嬰擊匈奴詔 三年五月

漢與匈奴約爲昆弟無侵害邊境所已諭遣匈奴甚厚今右賢王

離其國將眾居河南地非常故往來入塞捕殺吏卒毆侵上郡保塞蠻夷令不得居其故陵轢邊吏入盜甚驚無道非約也其發邊吏車騎八萬詣高奴遣丞相灌嬰將擊右賢王漢書匈奴傳

復遣周勃率列侯之國詔三年十一月

前日朕遣列侯之國辭未行丞相朕之所重其為朕率列侯之國

漢書文紀又見周勃傳

赦濟北吏民詔三年七月

濟北王背德反上誅誤吏民為大逆濟北吏兵未至先自定及已軍城邑降者皆赦之復官爵與王興居去來者亦赦之漢書文紀

賜進士出身一品銜廣東等處提刑按察使司按察使兼管驛傳事務黃岡王毓藻校葉

全漢文卷一終

全漢文卷二

烏程嚴可均校輯

文帝二

勸農詔 十二年三月

道民之路在于務本。朕親率天下農。十年于今。而野不加辟。歲一不登。民有飢色。是從事焉尚寡。而吏未加務也。吾詔書數下。歲勸民種樹。而功未興。是吏奉吾詔不勤。而勸民不明也。且吾農民甚苦。而吏莫之省。將何已勸焉。其賜農民今年租稅之半。漢書文紀

置三老孝悌力田常員詔

十二年三月

孝悌天下之大順也。力田爲生之本也。三老。眾民之師也。廉吏。民之表也。朕甚嘉此二三大夫之行。今萬家之縣。云無應令。豈實人情。是吏舉賢之道未備也。其遣謁者勞賜三老。孝者帛人五匹。悌者力田二匹。廉吏二百石。已上率百石者二匹。及問民所不便安。

而曰戶口率置三老孝悌力田常員令各率其意曰道民焉漢書文紀

耕桑詔

十三年二月

朕親率天下農耕曰供粢盛皇后親繅曰奉祭服其具禮儀漢書文紀

除祕祝詔

十三年四月

蓋聞天道禍自怨起而福繇德興百官之非宜由朕躬今祕祝之官移過于下曰彰吾之不德朕甚不取其除之史記文紀又見封禪書又見漢書郊

禮志上皆刪節

除肉刑詔

十三年五月

制詔御史蓋聞有虞氏之時畫衣冠異章服曰爲戮而民弗犯何治之至也今法有肉刑三而姦不止其咎安在非乃朕德之薄而教不明與吾甚自愧故夫訓道不純而惠民陷焉詩曰悌弟君子民之父母今人有過教未施而刑已加焉或欲改行爲善而道亡繇至朕甚憐之夫刑至斷文體刻肌膚終身不息何其刑之楚而

不德也。豈稱爲民父母之意哉。其除肉刑。有已易之。及今罪人各已輕重。不亡逃。有年而免。具爲令。漢書刑法志。齊大倉令。治于公。有罪當刑。其少女。緹紫。上書。天子憐其意。遂下令。

勸農詔 十三年六月

農。天下之本。務莫大焉。今廩身從事。而有租稅之賦。是謂本末者。無已異也。其于勸農之道。未備。其除田之租稅。賜天下孤寡布帛絮各有數。漢書文紀。

增祀無祈詔 十四年春

朕獲執犧牲珪幣。祀上帝宗廟。十四年于今。歷日彌長。已不敏。不明。而久撫臨天下。朕甚自媿。其廣增諸祀壇場珪幣。昔先王遠施。不求其報。望祀不祈其福。右賢左威。先民後己。至明之極也。今吾聞祠官祀釐。皆歸福于朕躬。不爲百姓。朕甚媿之。夫已朕之不德。而專鄉獨美其福。百姓不與焉。是重吾不德也。其令祠官致敬。

無有所祈

漢書文紀

議郊祀詔

十五年夏

有異物之神見于成紀母害于民歲已育年朕幾郊祀上帝諸神

禮官議母諱曰朕勞

漢書郊祀志上

策賢良文學詔

十五年九月

惟十有五年九月壬子皇帝曰昔者大禹勤求賢士施及方外四極之內舟車所至人迹所及靡不聞命曰輔其不逮近者獻其明遠者通厥聰比善戮力曰翼天子是曰大禹能亡失德夏曰長楸高皇帝親除大害去亂從並建豪英曰爲官師爲諫爭輔天子之闕而翼戴漢宗也賴天之靈宗廟之福方內曰安澤及四夷今朕獲執天下之正曰承宗廟之祀朕既不德又不敏明弗能燭而智不能治此大夫之所著聞也故詔有司諸侯王三公九卿及主郡吏各帥其志已選賢良明於國家之大體通於人事之終始及能

直言極諫者各有人數。曰匡朕之不逮。二三大夫之行。當此三道。朕甚嘉之。故登大夫于朝。親諭朕志。大夫其上三道之要。及永惟朕之不德。吏之不平。政之不宣。民之不寧。四者之闕。悉陳其志。毋有所隱。上曰。薦先帝之宗廟。下曰。興愚民之休利。著之于篇。朕親覽焉。觀大夫所已佐朕。至與不至。書之。周之密之。重之。閉之。興自朕躬。大夫其正論。毋枉執事。烏虜戒之。二三大夫其帥志。毋怠。漢書

求言詔

後元年三月

間者數年比不登。又有水旱疾疫之災。朕甚憂之。愚而不明。未達其咎。意者朕之政有所失。而行有過與。乃天道有不順。地利或不_得。人事多失和。鬼神廢不享與。何已致此。將百官之奉養。或費。無用之事。或多與。何其民食之寡乏也。夫度田非益寡。而計民未加_益。曰口量地。其於古猶有餘。而食之甚不足者。其咎安在。無乃百

姓之從事於末，已害農者蕃，爲酒醪，已靡穀者多，六畜之食焉者，
眾，與細大之義，吾未能得其中，其與丞相列侯吏二千石博士議
之，有可已佐百姓者，率意遠思，無有所隱，漢書文紀

與匈奴和親詔

後二年六月

朕既不明，不能遠德，使方外之國或不寧息，夫四荒之外，不安其
生，封圻之內，勤勞不處，二者之咎，皆自於朕之德薄而不能達遠
也，聞者累年，匈奴竝暴邊境，多殺吏民，邊臣兵吏又不能諭其內
志，已重吾不德，夫久結難，連兵中外之國，將何已？自寧，今朕夙興
夜寐，勤勞天下，憂苦萬民，爲之惻怛不安，未嘗一日忘于心，故遣
使者冠蓋相望，結轍于道，已諭朕志於單于，今單于反古之道，計
社稷之安，便萬民之利，新與朕俱棄細過，偕之大道，結兄弟之義，
已全天下元元之民，和親已定，始於今年，漢書文紀

與匈奴和親布告天下詔

制詔御史匈奴大單于遺朕書和親已定亡人不足曰益眾廣地匈奴無入塞漢無出塞犯今約者殺之可曰久親後無咎俱便朕已許其布告天下使明知之

漢書匈奴傳

遺詔

後七年六月

朕聞之蓋天下萬物之萌生靡不有死死者天地之理物之自然奚可甚哀當今之時世咸嘉生而惡死厚葬曰破業重服曰傷生吾甚不取且朕既不德無曰佐百姓今崩又使重服久臨曰罹寒暑之數哀人父子傷長老之志損人飲食絕鬼神之祭祀曰重吾不德謂天下何朕獲保宗廟曰眇眇之身託于天下君王之上二十有餘年矣賴天之靈社稷之福方內安寧靡有兵革朕既不敏常畏過行曰蒞先帝之遺德惟年之久長懼于不終今乃幸曰天年得復供養于高廟朕之不明與嘉之其奚哀念之有其令天下吏民令到出臨三日皆釋服無禁取婦嫁女祠祀飲酒食肉自

宋書

作其令史漢書注補引亦作自續漢當給喪事服臨者皆無踐經帶無過三寸無布車及兵器無發民哭臨宮殿中殿中當臨者皆旦夕各十五舉音禮畢罷非旦夕臨時禁無得擅哭臨曰下服大紅十五日小紅十四日緇七日釋服它不在令中者皆曰此令比類從事布告天下使明知朕意霸陵山川因其故無有所改歸夫人曰下至少使漢書文紀又見史記文紀宋書禮志二

賜南粵王趙佗書

元年

皇帝謹問南粵王甚苦心勞意朕高皇帝側室之子棄外奉北藩于代道里遼遠壅蔽樸愚未嘗致書高皇帝棄羣臣孝惠皇帝卽世高后自臨事不幸有疾日進不衰曰故諄暴平治諸呂爲變故亂法不能獨制迺取它姓子爲孝惠皇帝嗣賴宗廟之靈功臣之力誅之已畢朕曰王侯吏不釋之故不得不立今卽位乃者聞王遺將軍隆慮侯書求親昆弟請罷長沙兩將軍朕曰王書罷將軍

博陽侯親昆弟在眞定者已遣人存問修治先人家前日聞王發兵于邊爲寇災不止當其時長沙苦之南郡尤甚雖王之國庸獨利乎必多殺士卒傷良將吏寡人之妻孤人之子獨人父母得一亡十朕不忍爲也朕欲定地犬牙相入者曰問吏吏曰高皇帝所曰介長沙土也朕不能擅變焉吏曰得王之地不足曰爲大得王之財不足曰爲富服領曰南王自治之雖然王之號爲帝兩帝竝立亡一乘之使曰通其道是爭也爭而不讓仁者不爲也願與王分棄前患終今曰來通使如故故使賈馳諭告王朕意王亦受之母爲寇災矣上褚五十衣中褚三十衣下褚二十衣遣王願王聽樂娛憂存問鄰國

漢書南匈奴傳

遣匈奴書

六年

皇帝敬問匈奴大單于無恙使郎中係康賤遣朕書曰右賢王不請聽後義盧侯難氏等計絕二主之約離兄弟之親漢曰故不和

鄰國不附。今已小吏敗約。故罰右賢王。使西擊月氏。盡定之。願腰
兵休士。除前事。復故約。以安邊民。世世平樂。朕甚嘉之。此古聖王
之志也。漢與匈奴約爲兄弟。所已遺單于甚厚。背約離兄弟之親
者。常在匈奴。然右賢王事已在赦前。勿深誅。單于若稱書意。明告
諸吏。使無負約。有信。敬如單于書。使者言單于自將伐國有功。甚
苦兵事。服繡袷綺衣。繡袷長襦。錦袷袍各一。比余一。黃金飾具帶
一。黃金胄毗一。繡十匹。錦三十匹。赤綿緣綳各四十四匹。使中大夫
意謁者令肩遺單于。史記匈奴傳。又見漢書匈奴傳。少右賢王一段五十餘字。餘亦小異。
璽書賜答。錯十四年。

皇帝問太子家令。上書言兵體三章。問之書言。狂夫之言。而明主
擇焉。今則不然。言者不狂。而擇者不明。國之大患。故在於此。使夫
不明。擇于不狂。是已萬聽而萬不當也。漢書趙錯傳。

遺匈奴和親書。

後二年。

皇帝敬問匈奴大單于無恙使當戶且渠雕渠難郎中韓遼遺朕馬二匹已至敬受先帝制長城已北引弓之國受令單于長城已內冠帶之室朕亦制之使萬民耕織射獵衣食父子毋離臣主相安俱無暴虐今聞深惡民貪降其趨背義絕約忘萬民之命離兩主之驩然其事已在前矣書云二國已和親兩主驩說寢兵休卒養馬世世昌樂翕然更始朕甚嘉之聖者日新改作更始使老者得息幼者得長各保其首領而終其天年朕與單于俱由此道順天恤民世世相傳施之無窮天下莫不咸嘉使漢與匈奴鄰敵之國匈奴處北地寒殺氣早降故詔吏遺單于林檎金帛綿絮它物歲有數今天下大安萬民熙熙獨朕與單于爲之父母朕追念前事薄物細故謀臣計失皆不足已離昆弟之驩朕聞天不頗覆地不偏載朕與單于皆捐細故俱蹈大道墮壞前惡已圖長久使兩國之民若一家子元元萬民下及魚鼈上及飛鳥跂行喙息蠕動

之類莫不就安利避危殆故來者不止天之道也俱去前事朕釋
逃虜民單于毋言章尼等朕聞古之帝王約分明而不食言單于
畱志天下大安和親之後漢過不先單于其察之史記匈奴傳漢書匈奴傳

答陳武

朕能任衣冠念不到此會呂氏之亂功臣宗室共不羞恥誤居正
位常戰戰慄慄恐事之不終且兵凶器雖克所願動亦耗病謂百
姓遠方何又先帝知勞民不可煩故不日為意朕豈自謂能今匈奴
奴內侵軍吏無功邊民父子荷兵日久朕常為動心傷痛無日忘
之今未能銷距願且堅邊設候結和通使休寧北陲為功多矣且
無議軍史記律書孝文即位將軍陳武等議征南越朝鮮孝文曰
侯應劭曰武一姓柴韓王信傳漢使柴將軍擊之淮南王長傳與
有棘蒲侯柴武太子奇謀反是姓柴也而律書作陳武功臣侯表但
稱通掌故謂武二姓柴得其實矣非諸注望文者所及也棘蒲十
八侯銘作棘
津當有一誤

酎金律

皇帝齋宿親帥羣臣承祠宗廟羣臣宜分奉請諸侯列侯各已民口數率千口奉金四兩奇不滿十口至五百口亦四兩皆會謝少府受又大鴻臚食邑九真交阯日南者用犀角長九寸已上若璚瑁甲一鬱林用象牙長三尺已上若翡翠各二十準已當金續漢志上注補引丁孚漢儀曰酎金律漢文所加呂正月旦作酒八月成名酎酒因令諸侯助祭貢金引漢律金布令云云

景帝

帝諱啟孝文帝長子前元年立爲皇太子後七年六月卽位在位十六年諡曰孝景皇帝

定孝文帝廟樂詔元年十月

制詔御史蓋聞古者祖有功而宗有德制禮樂各有由聞歌者所已發德也舞者所已明功也高廟酎奏武德文始五行之舞孝惠廟酎奏文始五行之舞孝文皇帝臨天下通關梁不異遠方除誹

誦去肉刑、賞賜長老、收恤孤獨、曰：「遂羣生，減耆欲，不受獻，不私其利也。」罪人不帑，不誅無罪，除肉刑，出美人，重絕人之世。朕既不敏，不能識此，皆上古之所不及，而孝文皇帝親行之，德厚侔天地，利澤施四海，靡不獲福，明象乎日月，而廟樂不稱，朕甚懼焉。其爲孝文皇帝廟爲昭德之舞，曰「明休德」。然後祖宗之功德著于竹帛，施于萬世，永永無窮。朕甚嘉之，其與丞相列侯中二千石、禮官具爲禮儀奏。史記文紀
漢書景紀

聽民徙寬大地詔 元年正月

聞者歲比不登，民多乏食，天絕天年，朕甚痛之。郡國或磽陁無所農桑，穀畜或地饒廣，薦草莽水泉利而不得徙，其議民欲徙寬大地者聽之。漢書
景紀

議著令詔 元年七月

吏受所監臨，曰「飲食免重，受財物賤買貴賣，論輕廷尉與丞相更

議著令漢書景紀

減笞詔元年

加笞與重罪無異幸而不死不可爲人其定律笞五百曰三百笞

三百曰二百漢書刑法志

封蕭何孫嘉詔二年

制詔御史故相國蕭何高皇帝大功臣所與爲天下也今其祀絕

朕甚憐之其曰武陽縣戶二千封何孫嘉爲列侯漢書蕭何傳

原襄平侯紀嘉詔三年十二月

襄平侯嘉子恢說不孝謀反欲曰殺嘉大逆無道其赦嘉爲襄平

侯及妻子當坐者復故爵論恢說及妻子如法漢書景紀

擊七國詔三年二月

制詔將軍蓋聞爲善者天報曰福爲非者天報曰殃高皇帝親垂

功德建立諸侯幽王悼惠王絕無後孝文皇帝哀憐加惠王幽王

子遂悼惠王子卬等令奉其先王宗廟爲漢藩國德配天地明竝日月而吳王濞背德反義誘受天下亡命罪人亂天下幣稱疾不朝二十餘年有司數請濞罪孝文皇帝寬之欲其改行爲善今乃與楚王戊趙王遂膠西王卬濟南王辟光菑川王賢膠東王雄渠約從謀反爲逆無道起兵已危宗廟賊殺大臣及漢使者迫劫萬民伐殺無罪燒殘民家掘其丘壘甚爲虐暴而卬等又重逆無道燒宗廟鹵御物朕甚痛之朕素服避正殿將軍其勸士大夫擊反虜擊反虜者深入多殺爲功斬首捕虜比三百石以上皆殺無有所置敢有議詔及不如詔者皆要斬

漢書吳王濞傳

赦吳吏民詔

三年六月

迺者吳王濞等爲逆起兵相脅誑誤吏民吏民不得已今濞等已滅吏民當坐濞等及逋逃亡軍者皆赦之楚元王子敖等與濞等爲逆朕不忍加法除其籍毋令汙宗室

漢書景紀

獄詔 中五年九月

法令度量所已禁暴止邪也。獄人之大命，死者不可復生，吏或不奉法，令已貨賂爲市，朋黨比周，已苛爲察，已刻爲明，令亡罪者失職，朕甚憐之。有罪者不伏罪，姦法爲暴，其亡謂也。諸獄疑若雖文致于法，而于人心不厭者，輒讞之。漢書景紀又略見刑法志

定長吏車服詔 中六年五月

夫吏者，民之師也。車駕衣服宜稱吏六百石已上，皆長吏也。亡度者，或不吏服，出入閭里，與民亡異。令長吏二千石車朱兩轡，千石至六百石朱左轡，車騎從者不稱其官衣服。下吏出入閭巷，亡吏體者，二千石上其官屬，三輔舉不如法令者，皆上丞相御史請之。

漢書景紀

減笞法詔 中六年

加笞者或至死，而笞未畢，朕甚憐之。其減笞三百曰二百，笞二百

曰一百

漢書刑法志

詔定箠令

笞者所已教之也其定箠令

漢書刑法志

讞獄詔

後元年正月

獄重事也人有智愚官有上下獄疑者讞有司有司所不能決移

廷尉有令讞

刑法志作獄疑者讞有令讞者已報讞

而後不當讞者不爲失欲令治

獄者務先寬

漢書景紀

令二千石修職詔

後二年四月

雕文刻鏤傷農事者也錦繡纂組害女紅者也農事傷則飢之本

也女紅害則寒之原也夫飢寒竝至而能亡爲非者寡矣朕親耕

后親桑已奉宗廟粢盛祭服爲天下先不受獻賦太官省繇賦欲

天下務農蠶素有畜積已備災害彊母懷弱眾母慕寡老者已壽

終幼孤得遂長今歲或不登民食頗寡其咎安在或詐僞爲吏吏

已貨賂爲市、漁奪百姓、侵牟萬民、縣丞長吏也、奸法與盜、盜甚無異也、其令二千石各修其職、不事官職耗亂者、丞相已聞、請其罪、布告天下、使明知朕意、

漢書景紀

重廉士詔

後二年五月

人不患其不知、患其爲詐也、不患其不勇、患其爲暴也、不患其不富、患其亡厭也、其唯廉士、寡欲易足、令訾算十已上、迺得官、官一作宦同、廉士算不必眾有、市籍不得官、無訾又不得官、朕甚愍之、訾算四得官、亡令廉士久失職、貪夫長利、

漢書景紀

頌繫老幼詔

後三年

高年老長、人所尊敬也、鰥寡不屬逮者、人所哀憐也、其著今年八十已上、八歲已下、及孕者、未乳師、朱儒、當鞠繫者、頌繫之、

漢書冊法志

勸農桑詔

後三年正月

農、天下之本也、黃金珠玉、飢不可食、寒不可衣、已爲幣用、不識其

終始閒歲或不登意爲木者眾農民寡也其令郡國務勸農桑益
種樹可得衣食物吏發民若取庸采黃金珠玉者坐臧爲盜二千
石聽者與同罪

漢書
景紀

賜進士出身三品銜廣東等處提刑按察使司按察使兼管驛傳事務黃岡王毓藻校

全漢文卷三

烏程嚴可均校輯

武帝一

帝諱徹景帝中子四年封膠東王七年立爲皇太子後三年正月卽位改元十一建元元光元朔元狩元鼎元封太初天漢太始征和後元在位五十四年謚曰孝武皇帝廟號世宗有集二卷

李夫人賦

美連娟已修嫿兮命櫟絕而不長飾新宮已延貯兮泯不歸乎故鄉慘鬱鬱其蕪穢兮隱處幽而懷傷釋輿馬于山椒兮奄修夜之不陽秋氣潛已淒淚兮桂枝落而銷亡神煢煢已遙思兮精浮游而出疆託沈陰已曠久兮惜蕃華之未央念窮極之不還兮惟幼眇之相羊函菱扶已俟風兮芳雜襲已彌章的容與已猗靡兮縹

飄姚序愈莊燕淫衍而撫楹兮連流視而娥揚既激感而心逐兮
包紅顏而弗明驪接狎曰離別兮宵寤夢之芒芒忽遷化而不反
兮魄放逸曰飛揚何靈魂之紛紛兮哀喪回曰躊躇執路曰已遠
兮遂荒忽而辭去超兮西征屑兮不見寢淫敞兌寂兮無音思若
流波怛兮在心亂曰佳俠函光隕朱榮兮嫉妬闢昔將安程兮方
時隆盛年夭傷兮弟子增欷湔沫悵兮悲愁於邑喧不可止兮嚮
不虛應亦云已兮嫵妍太息嘆稚子兮慟慟不言倚所恃兮仁者
不誓豈約親兮既往不來申曰信兮去彼昭昭就冥冥兮既下新
宮不復故庭兮嗚呼哀哉想魂靈兮

漢書外戚傳 蘇文類聚三十四

秋風辭

并序

上行幸河東祠后土顧視帝京欣然中流與羣臣飲燕上歡甚乃
自作秋風辭曰

秋風起兮白雲飛草木黃落兮雁南歸蘭有秀兮菊有芳攜佳人

今不能忘泛樓舫今濟汾河橫中流今揚素波簫鼓鳴今發棹歌
歡樂極兮哀情多少壯幾時兮奈老何文選

詔封皇子制元狩六年三月戊申朔

蓋聞周封八百姬姓竝列或子男附庸禮支子不祭云竝建諸侯
所曰重社稷朕無聞焉且天非爲君生民也朕之不德海內未洽
乃曰未敎成者彊君連城卽股肱何勸其更議曰列侯家之史記三王世家

封皇子制元狩六年三月丙子

康叔親屬有十而獨尊者褒有德也周公祭天命郊故魯有白牡
騂剛之牲羣公不毛賢不肖差也高山仰之景行嚮之朕甚慕焉
所曰抑未成家曰列侯可史記三王世家

立皇子闕爲齊王旦爲燕王胥爲廣陵王史記三王世家

制書報胡建天漢中

制曰司馬法曰國容不入軍軍容不入國何文吏也三王或誓于軍中欲民先成其慮也或誓于軍門之外欲民先意以待事也或將交刃而誓致民志也建又何疑焉漢書胡建傳又略見說苑指武
元光元年策賢良制

制曰朕獲承至尊休德傳之無窮而施之罔極任大而守重是曰夙夜不皇康寧永惟萬事之統猶懼有闕故廣延四方之豪雋郡國諸侯公選賢良修絜博習之士欲聞大道之要至論之極今子大夫襲然爲舉首朕甚嘉之子大夫其精心致思朕垂聽而問焉蓋聞五帝三王之道改制作樂而天下洽和百王同之當虞氏之樂莫盛于韶于周莫盛于勺聖主已沒鍾鼓箏絃之聲未衰而大道微缺陵夷至虛桀紂之行王道大壞矣夫五百年之間守文之君當途之士欲則先王之法已戴翼其世者甚眾然猶不能反日月仆滅至後王而後止豈其所持操或諄繆而失其統與固天降

命不可復反、必推之于大衰而後息與、烏虜、凡所爲屑屑夙興夜寐、務法上古者、又將無補與、三代受命、其符安在、災異之變、何緣而起、性命之情、或夭或壽、或仁或鄙、習聞其號、未燭厥理、伊欲風流而令行、刑輕而姦改、百姓和樂、政事宣昭、何修何飾、而膏露降、百穀登、德潤四海、澤臻草木、三光全、寒暑平、受天之祐、享鬼神之靈、德澤洋溢、施庠方外、延及羣生、子大夫明先聖之業、習俗化之變、終姤之序、講問高誼之日久矣、其明已諭朕、科別其條、勿猥勿并、取之于術、慎其所出、迺其不正不直不忠不極枉于執事、書之不泄、興于朕躬、毋悼後害、子大夫其盡心、靡有所隱、朕將親覽焉、

漢書董仲舒傳

制曰、蓋聞虞舜之時、游于巖廊之上、垂拱無爲、而天下太平、周文王至于日昃不暇食、而宇內亦治、夫帝王之道、豈不同條共貫、與何逸勞之殊也、蓋儉者不造、玄黃旌旗之飾、及至周室、設兩觀、乘

大路朱干玉戚八佾陳于庭而頌聲興夫帝王之道豈異指哉或曰良玉不琢又曰非文亡已輔德二端異焉殷人執五刑已督姦傷肌膚已懲惡成康不式四十餘年天下不犯囹圄空虛秦國用之死者甚眾刑者相望耗矣哀哉烏虜朕夙寤晨興惟前帝王之憲永思所已奉至尊章洪業皆在力本任賢今朕親耕藉田已爲農先勸孝弟崇有德使者冠蓋相望問勤勞恤孤獨盡思極神功烈休德未始云獲也今陰陽錯謬氛氣充塞羣生寡遂黎民未濟廉恥賢亂賢不肖渾殽未得其真故詳延特起之士意庶幾乎今子大夫待詔百有餘人或道世務而未濟稽諸上古而不同考之于今而難行毋迺牽于文繫而不得騁與將所繇異術所聞殊方與各悉對著于篇毋諱有司明其指略切磋商究之已稱朕意上同制曰蓋聞善言天者必有徵于人善言古者必有驗于今故朕垂問虜天人之應上嘉唐虞下悼桀紂寢微寢滅寢明寢昌之道虛

心曰改今子大夫明于陰陽所已造化習于先聖之道業然而文采未極豈惑乎當世之務哉條貫靡竟統紀未終意朕之不明與聽若眩與夫三王之教所祖不同而皆有失或謂久而不易者道也意豈異哉今子大夫既已著大道之極陳治亂之端矣其悉之究之孰之復之詩不云虞嗟爾君子母常安息神之聽之介爾景福朕將親覽焉子大夫其茂明之同上

元光五年策賢良制

制曰蓋聞上古至治畫衣冠異章服而民不犯陰陽和五穀登六畜蕃甘露降風雨時嘉禾興朱草生山不童澤不涸麟鳳在郊藪龜龍游于沼河洛出圖書父不喪子兄不哭弟北發渠搜南撫交趾舟車所至人迹所及跂行喙息咸得其宜朕甚嘉之今何道而臻乎此子大夫修先聖之術明君臣之義講論洽聞有聲乎當世敢問子大夫天之道何所本始吉凶之效安所期焉禹湯水旱

厥咎何由仁義禮知四者之宜當安設施屬統垂業物鬼變化天命之符廢興何如天文地理人事之紀子大夫習焉其悉意正議詳具其對著之于篇朕將親覽焉靡有所隱

漢書公孫弘傳

復高年子孫詔

建元元年四月

古之立教鄉里已齒朝廷已爵扶世導民莫善于德然則于鄉里先耆艾奉高年古之道也今天下孝子順孫願自竭盡已承其親外迫公事內乏資財是已孝心闕焉朕甚哀之民年九十已上已有受鬻法爲復子若孫令得身帥妻妾遂其供養之事

漢書武紀

修山川祠詔

建元元年五月

河海潤千里其令祠官修山川之祠爲歲事曲加禮

漢書武紀

省衛士罷苑馬詔

建元元年七月

衛士轉置送迎二萬人其省萬人罷苑馬已賜貧民

漢書武紀

荅淮南王安諫伐越詔

建元三年案文館詞林題如此漢書不云詔

皇帝問淮南王使中大夫王上書言事聞之朕奉先帝之休德夙興夜寐明不能燭重已不德是已比年凶菑害眾夫已眇眇之身託于王侯之上內有飢寒之民南夷相攘使邊騷然不安朕甚懼焉今王深惟重慮明太平已彌朕失稱三代至盛際天接地人迹所及咸盡賓服藐然甚慚嘉王之意靡有所終使中大夫助諭朕意告王越事

漢書嚴助傳又見文館詞林六百六十二

詔罷王恢韓安國兵

建元六年

郢等首惡獨無諸孫繇君丑不與謀焉

史記東越傳漢書兩粵傳

詔賢良

元光元年五月

朕聞昔在唐虞畫象而民不犯日月所燭莫不率俾周之成康刑錯不用德及鳥獸教通四海海外肅肅北發渠搜氏羌徠服星辰不孛日月不蝕山陵不崩川谷不塞麟鳳在郊藪河洛出圖書鳴虡何施而臻此與今朕獲奉宗廟夙興已求夜寐已思若涉淵水

未知所濟，猗與偉與，何行而可？曰：章先帝之洪業，休德上參堯舜，下配三王，朕之不敏，不能遠德。此子大夫之所睹聞也。賢良明于古今，王事之體，受策察問，咸曰：書對著之于篇，朕親覽焉。漢書武紀于是董仲舒公孫弘等出焉。

欲伐匈奴，詔

元光二年春，文館詞林題如此。

案

朕飾子女，曰：配單于，金幣文繡，賂之甚厚。單于待命加嫚，侵盜亡已，邊境被害，朕甚閔之。今欲舉兵攻之，何如？漢書武紀：詔問公卿。

六十二篇首，有制詔二字。

赦雁門代郡軍士詔

元光六年春

夷狄無義，所從來久。間者匈奴數寇邊境，故遣將撫師。古者治兵振旅，因遭虜之方入，將吏新會，上下未輯。代郡將軍敖、雁門將軍廣，所任不肖，校尉又背義妄行，棄軍而北，少吏犯禁，用兵之法，不勤不教，將率之過也。敕令宣明，不能盡力，士卒之罪也。將軍已下

廷尉使理正之而又加法于士卒二者竝行非仁聖之心朕聞眾庶陷害欲刷恥改行復奉正義厥路亡繇其赦雁門代郡軍士不循法者

漢書
武紀

議不舉孝廉者罪詔元朔元年十一月

公卿大夫所使總方略壹統類廣教化美風俗也夫本仁祖義褒德祿賢勸善刑暴五帝三王所繇昌也朕夙興夜寐嘉與宇內之士臻于斯路故旅耆老復孝敬選豪俊講文學稽參政事祈進民心深詔執事興廉舉孝庶幾成風紹休聖緒夫十室之邑必有忠信三人竝行厥有我師今或至闔郡而不薦一人是化不下究而積行之君子雍于上聞也二千石官長紀綱人倫將何已佐朕燭幽隱勸元元厲蒸庶崇鄉黨之訓哉且進賢受上賞蔽賢蒙顯戮古之道也其與中二千石禮官博士議不舉者罪

漢書
武紀

赦詔

元朔元年三月

朕聞天地不變不成施化陰陽不變物不暢茂易曰通其變使民不倦詩云九變復貫知言之選朕嘉唐虞而樂殷周據舊已鑒新其赦天下與民更始諸逋貸及辭訟在孝景後三年已前皆勿聽

治

漢書
武紀

許諸侯王分子弟邑詔

元朔二年正月

梁王城陽王親慈同生願曰邑分弟其許之諸侯王請與子弟邑者朕將親覽使有列位焉

漢書
武紀

制詔御史諸侯王或欲推私恩分子弟邑者令各條上朕且臨定其號名

口口口口
口口口口

赦詔

元朔三年三月

夫刑罰所已防姦也內長文所已見愛也已百姓之未洽于教化朕嘉與士大夫日新厥業祗而不解其赦天下

漢書
武紀

封公孫弘爲平津侯詔

元朔三年十一月

朕嘉先聖之道開廣門路宣招四方之士蓋古者任賢而序位量能已授官勞大者厥祿厚德盛者獲爵尊故武功已顯重而文德已行褒其已高城之平津鄉戶六百五十封丞相弘爲平津侯

公孫弘傳

詔御史封公孫敖等

元朔五年四月

護軍都尉公孫敖三從大將軍擊匈奴常護軍傅校護王已千五百戶封敖爲合騎侯都尉韓說從大軍出麻渾至匈奴右賢王庭爲麾下搏戰獲王已千三百戶封說爲龍雛侯騎將軍公孫賀從大將軍獲王已千三百戶封賀爲南窳侯輕車將軍李蔡再從大將軍獲王已千六百戶封蔡爲樂安侯校尉李朔校尉趙不虞校尉公孫戎奴各三從大將軍獲王已千三百戶封朔爲涉軹侯已千三百戶封不虞爲隨成侯已千三百戶封戎奴爲從平侯將軍李沮李息及校尉豆如意中郎將繒皆有功賜爵關內侯食邑各

三百戶

史記衛青傳
漢書衛青傳

勸學詔

元朔五年六月

蓋聞導民已禮風之已樂婚姻者居室之大倫也今禮壞一作樂

崩朕甚閔

一作慙

焉故詳延天下方聞之士咸薦

一作登

諸朝其令禮

官勸學講議洽聞舉遺興禮已爲天下先太常其議予博士弟子

崇鄉黨之化已厲賢材焉

漢書武紀又
見儒林傳序

議置武功馳賞官詔

元朔六年六月

朕聞五帝不相復禮三代不同法所繇殊路而建德一也蓋孔子

對定公已徠遠哀公已論臣景公已節用非期不同所急異務也

今中國一統而北邊未安朕甚悼之昔大將軍巡朔方征匈奴

斬首虜萬八千級諸禁錮及有過者咸蒙厚賞得免減罪今大將

軍仍復克獲斬首虜萬九千級受爵賞而欲移賣者無所流馳其

議爲令

漢書武紀又見史記平準書有
剛節而文多異今別載于後

朕聞五帝之教不相復而治禹湯之法不同道而王所由殊路而建德一也北邊未安朕甚悼之曰者大將軍攻匈奴斬首虜萬九千級雷蹕無所食議令民得買爵及贖禁錮免減罪

史記平準書

遣謁者巡行天下詔

元狩元年四月

朕聞咎繇對禹曰在知人知人則哲惟帝難之蓋君者心也民猶支體支體傷則心憊怛曰者淮南衡山修文學流貨賂兩國接壤怵于邪說而造篡弑此朕之不德詩云憂心慘慘念國之爲虐已赦天下滌除與之更始朕嘉孝弟力田哀夫老眊孤寡鰥獨或墮于衣食甚憐愍焉其遣謁者巡行天下存問致賜曰皇帝使謁者賜縣三老孝者帛人五匹鄉三老弟耆力田帛人三匹年九十已上及鰥寡孤獨帛人二匹絮三斤八十已上米人二石有冤失職使者曰聞縣鄉卽賜毋贅聚

漢書武紀

詔封蕭何曾孫

元狩三年

詔御史已鄧戶二千四百封何曾孫慶爲鄼侯布告天下令明知
朕報蕭相國德也

漢書蕭何傳

遣博士褚大等循行天下詔

元符六年六月

日者有司已幣輕多姦農傷而未眾又禁兼并之塗故改幣已約
之稽諸往古制宜于今廢期有月而山澤之民未諭夫仁行而從
善義立則俗易意奉憲者所已導之未明與將百姓所安殊路而
橋虔吏因乘執已侵蒸庶耶何紛然其擾也今遣博士大等六人
分循行天下存問鰥寡廢疾無已自振業者貸與之諭三老孝弟
已爲民師舉獨行之君子徵詣行在所朕嘉賢者樂知其人廣宣
厥道士有特招使者之任也詳問隱處亡位及冤失職姦猾爲害
野荒治苛者舉奏郡國有所已爲便者上丞相御史已聞

漢書
武紀

振流民詔

江南火耕水耨令飢民得流就食江淮間欲畱畱處遣使冠蓋相

屬于道護之下巴蜀粟已振之

遣博士循行振飢詔

元鼎二年九月

仁不異遠義不辭難今京師雖未爲豐年山林池澤之饒與民共之今水潦移于江南迫隆冬至朕懼其飢寒不活江南之地火耕水耨方下巴蜀之粟致之江陵遣博士中等分循行諭告所抵無令重困吏民有振救飢民免其戾者具舉已聞

漢書武紀

封周子南君詔

元鼎四年十一月

三代邈絕遠矣難存其曰三十里地封周後爲子南君已奉先王

祀焉

史記封禪書

祭地冀州瞻望河洛巡省豫州觀于周室邈而無祀詢問耆老迺

得孽子嘉其封嘉爲周子南君已奉周祀

漢書武紀

封樂大爲樂通侯詔

元鼎四年夏

制詔御史昔禹疏九江決四瀆間者河溢皋陸隄繇不息朕臨天

下二十有八年天若遺朕土而大通焉乾稱蜚龍鴻漸于般朕意庶幾與焉其已二千戶封地士將軍大爲樂通侯賜列侯甲第僮千人乘輿斥車馬帷帳器物已充其家

史記封禪書漢書郊祀志上

郊祠泰時詔

元鼎五年十一月

朕已眇身託于王侯之上德未能綏民民或飢寒故巡祭后土已祈豐年冀州雕壤迺顯文鼎獲薦于廟渥洼水出馬朕其御焉戰兢兢懼不克任思昭天地內惟自新詩云四牡翼翼已征不服親省邊垂用事所極望見泰一修天文禮辛卯夜若景光十有二明易曰先甲三日後甲三日朕甚念年歲未減登飭躬齋戒丁酉拜況于郊

漢書武紀

封常山王二子詔

元鼎五年六月

常山憲王早夭后妾不和適孽誣爭陷于不義已滅國朕甚閔焉其封憲王子平三萬戶爲眞定王子商三萬戶爲泗水王

史記五宗世家

漢書景十三

王常山王傳

征南粵詔元鼎五年

天子微弱諸侯力政譏臣不討賊呂嘉建德等反自立晏如令粵

人及江淮已南樓船十萬師往討之

漢書南粵傳乃赦天下曰云云又史記南越王尉佗傳無

弱字呂嘉上有今字粵人作罪人

已石慶為丞相詔元鼎五年九月

制詔御史萬石君先帝尊之子孫至孝其已御史大夫慶為丞相

封牧丘侯

漢書石奮傳

賜卜式爵詔元鼎五年九月

朕聞報德曰德報怨已直今天下不幸有事郡縣諸侯未有奮繇直道者也齊相雅行躬耕隨牧畜番輒分昆弟更造不為利惑日者北邊有興上書助官往年西河歲惡率齊人入粟今又首奮雖未戰可謂義形于內矣其賜式爵關內侯黃金四十斤田十頃布

告天下使明知之

漢書卜式傳又略見史記平準書小異

減內史稻田租挈詔

元鼎六年

農天下之本也泉流灌浸所已育五穀也左右內史地名山川原甚眾細民未知其利欲爲通溝瀆畜陂澤所已備旱也今內史稻田租挈重不與郡同其議減令吏民勉農盡地利平繇行水勿使失時

漢書溝洫志

賜進士出身二品銜廣東等處提刑按察使司按察使兼管驛傳事務黃岡王毓藻校